



Briavan vodar Komisardja von 08 bintmånat 2021

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
44	Maz ågenump pitt groaza aile zo schütza di famildje zoa z'zala in zis von haus un bazta khint gezert vorz haus in di Provìntz vo Tria – khearn zo schètza bia untarzolega 'z gèlt zuargètt in Toalkamou – bonus alimentare, schütz vor in zis un åndarz vorz haus 2021– vünfte fase.	1. Åzonemma vor allz daz sèll boda iz geschribet in vorbort, di naüing kritèrdje zo giana vür zuarzogeba di hilfan vorz geèzza un zo schütza di famildje z'zala in zis von haus un bazta zuarsteat, azpe: liacht, bazzar un gemül. Di hilvan soìn augehaltet pinn gèlt zuargètt in Toalkamou pittar delibera vodar provintziàl Djunta n. 1465 von 03 herbestmånat 2021; 2. Zuarzogeba di hilfe khött khurtz BOAAU – Bonus Alimentare, abitazione e utenze – vünfte Fase - in famildje boda inngem in vorsch månat vor månat nå in sèll boda auzmacht disar provedimént; 3. Åzonemma di vorsch åhevante von 15 von bintmånat 2021 vort un zo halta kunt von sèll boda hãm di famildje azpe gèlt in lest tage von månat pellar in sèll boda khint inngètt dar vorsch un vor bazta hãm inngezoget di famildje in gantz månat vor in sèll boda khint inngètt dar vorsch; 4. Zo bestetega, vor allz daz sèll boda khint geschribet in vorbort, ke di vorsch bartn khemmen ågenump sin azta bart soìn verte 'z gèlt zuargètt vodar Provìntz vor dise hilfan, hèrta haltante kunt ke balda soìn khent ågenump alle di vorsch vor dise hilfan un hettata no zo vantzara gèlt, ditza mage khemmen zuargètt in emtar vor draite sektor;

5. Zo bestetega ke di hilfe mage soin zuargètt daz lengarste vor an mǎnat vor aniaglan vorsch un saibe zuargètt nǎ azpe da iz geschribet in di tabela da untar:

N. LAÜT VOR FAMILDJA.	HILFE VORZ GEÈZZA	HILFE VOR IN ZIS UN ÂNDARST
1	€ 150,00	€ 300,00
2	€ 250,00	€ 500,00
3	€ 350, 00	€ 700,00
4 un MEARAR	€ 500,00	€ 1.000,00

6. Zo khöda ke bazta khint zuargètt zo helva zaln in zis un ândarz vorz haus mocht soin gelaich in sèll boda khint gezert vor in zis (odar vor in mutuo) un vor daz ândar (gas, liacht, bazzar, gemül) un boda nèt mage soin mearar baz vo 300,00 € vor a mentsch, 500,00 vor zboa, 700,00 vor drai un 1.000,00 vor viare odar mearar;
7. Zo khöda darzuar ke berda sa hatt gehatt gevǎnk di hilfe mage khearn innzogeba in vorsch nǎ in sèll boda auzmacht disar dekrèt;
8. Zo lazza az saibe dar sotziàl Dianst âzorüava 'z mentsch boda hatt ingèt in vorsch zo vorstiana pezzar bia un baz un ânemmen alle di briavan boda da soin mǎngl zo maga zuargem di hilfe nǎ azpe da auzkhint vo disan kontròll un ândarst boda dar Dianst haltet az habe vèt;
9. Zo lazza az saibe berda drauschaugèt affon sotziàl sektor zo macha auz allz daz sèll bodada iz mǎngl zoa azta khemm getǎnt bazta khütt disar provedimént;